

سۆلئیمان اوغلو

آچقلاما:

2007-يىنجى ايلين دئسامبر آيى نين اون بئشىندە؛ كۆلن-دە «آذر-ين اييرمى بيرى-نين قالىتلارى» آدلى بير آچيق اوتوروم دۆزه نلە ندى. «آذربايجان كۆلتور اوجاغى»-نين گيريشيميله دۆزه نلە ن بۇ آچيق اوتورومدا قونوشماجيلار (نۇرالدين غروى، سيف الدين سىداووالى، محمد آزادگر، سۆلئیمان اوغلو) «اييرمى بير آذرین قالىتلاری (ميراثی)»-نى آيرى-آيرى آچيدان الە آليب اينجه له ديلر. اوتورمون سون بۆلومو قاتيليمجيلارين قونوشماجيلارا يۇرتدوگلىرى سورولارا آيريلميشدير. سۆلئیمان اوغلو-نون بۇ اوتورومدا «تورکچه نين گونئی آذربايجان-دا ايلک کئز اولراق اۇدۇس ديلي اولوشو» (اۇلوسال بيلينجين دوغوشو) آدى آلتيندا ياپديغى يايملانمايش قونوشما؛ ديلداشلاريميزا سۇنولور.

سئوگىلى يۇرتداشلار!

بۇ اوتورومدا؛ اۇلوسال گونئی آذربايجان اۇدۇسونون (دئولتى نين) قۇرولوشويلا بيرليکده، ايلک کئز اولراق تورکچه ميزين، انگيتيم - اۇگرتيم (تربيه و تعليم) ايله تيشيم (كومونيكاسيون)، اۇدۇس يۇنه تيمي ديلينه دۇنوشمه سى نين اويکونچسل (تاريخسل)- نسنل (اوپۇنکتيو) وئريلرى اوزه رينده اولدوقجا قيسا بير گيريش ياپيلاجاقدير. قونويا يالين بير سورو ايله باشلايالىم. گونئی آذربايجان اۇلوسال اۇدۇسو (دئولتى) تورک ديلي آلايندا نه لر ياپميشدير، هانسى باش اۇرنک (پارادىگما) گيريشيملرده (تشيئلرده) بۇلونوب، اونون قاليجى ائتکيسى، يانقى (انكى)سى نه ايدى؟ باشقا بير دئييشله؛ اۇلوسال اۇدۇسونوزون تورک ديلي آلايندا، اۇرنه گين توپلومسال- سياسال آلانلاردا اولدوغو دنلى (قدە)، باشاريلي، يول آچيجى، باش اۇرنک اولموش مو دور؟

بيلينديگى اوزه ره؛ آذربايجان اويکونجو (تاريخى) بويونجا، قيسا سورە (مدت)لى اولسا بيله، ايلک کئز تورک ديلي ياسال (قانونى) اولراق بۇ دۇنمده، اۇدۇس يۇنه تيمي، آيريجا ايله تيشيم، اۇزليلکله انگيتيم - اۇگرتيم ديلي اولراق، قونوشولان، آغيزسال (شفاهى) بير ديلدن، يازى ديلينه گنچدى. بۇ اولدوقجا اۇنملى اولايين؛ دريندن قاورانماسى ايچين، گنرييه دۇنوب آذربايجان اويکونجونه بير قۇش باخيشى آتماق گرکير.

صفوى اۇدۇسونون؛ «اۇلکه ميزده قۇرولان ايلک يئرلى اۇدۇس» اولدوغو سؤيله نيلير. بۇ دۇنمده اۇزليلکله ختايى باشاتليغى (حاکميتى) آلتيندا؛ قيسا بير سورە، ديليميز دوغال گليشمه سورە جيني سور دورموش، کيمي يادسيناماز اۇنملى آچينيم (اينکيشاف)لار گۇستر ميش، سينيرلى (محدود) اولسا بيله، بير چوق ديش بۇلگه يه (عيراق، سوريه...) ياييلما اولاناغى دا بۇلموشدور. ختايى دۇنه مى؛ تورکچه نين «اۇدۇس يۇنه تيمي» اولدوغو سؤيله نتيسى (شايعه/روايت)، او دنلى بينه له نميش (تکرار اولونموش)، آرتيق تارتيشيلماز اويکونچسل بير گرچکه دۇنوشموشدور. ديليميزين ان باريشماز قاتى ياغيلارى اولان؛ کيمي عيرقچى فارس شووينيزمى يازارلارى بيله، بۇ ان بۇيوک يالانا کنديلرينى دوغرودان دا ايناندير ميشلاردير. اويسا؛ تورک ديلي اويکونجو ايله اۇغراشانلار ايچين، سۇز قونوسو ساو (ايديعا/تنز)ين بير "اق يالان" اولدوغو آچيقجا اورتاددير. آيريجا او دۇنم؛ ساراي ديلي باشدا اولماق اوزه ره؛ اوردو ديلي نين ده تورکچه اولدوغو، تورکلرين اۇلکه يى تک باشينا يۇنه تدیکلرى، اۇيروقلارين (تبعه لر)ين اينانجيني بيله دگيشديرمه دنلى سونسوز بير گوجو الدهه تۇتدوقلارى، دۇرماقسيزين ديللرده دولاشير، بينه له نير، چيگنه نير.

سارايين؛ اۇزليلکله اوردونون ديلي تورک کۆکه نلى «قاچار»لارين سون دۇنه ملرينه دک، تورک ديلي اولدوغو دانيلماز بير گرچکدير. آنجاق يازيلمايان؛ يازيبا گنچمه ميش، يالانيزجا گونلوك باياغى گرکسينيم(احتياج)لرى قارشيلايان بير ديلين، تورکچه ميزه بير نسنه قازانديرمادىغى دا گۇز اۇنونده دير

دۆزىيازى بېچىنىمىدە اورتايا چىقار). 2- دىلىن اۇسدىئىسل؛ دىل بىلگىسل يۇنونون دىشىنا (اۋتە سىنە) چىقان بېچىنىم، قوشوق بېچىنىمى.

ايرىجا چاغداش قوشوق؛ بۇ ايكى قارشىت (صد) بېچىنىمىن اۇزدىش[عنى]له شدىرمە چاباسىدىر. بۇ چابا ان ازيندان ھۇلدردىن (Hölderlin)دن باشلامىشىدىر. قوشقوسوز گلىشمىش اۇيغارلىقلاردا، اولغونلاشمىش ائكىنىملردە (كولتورلردە)، بۇ ايكى بېچىنىم اراسىندا اۇيولمۇ بىر دىنگە (توازن) ساغلانار. گىل لىكلە؛ فلسفە جىلر دىمىشكىن؛ قوشوق-ون «اۋزىل» (سۇبژىكتىف=Subjectif)، دۆزىيازى-نىن ايسە «نسىل» (اوبژىكتىف=Objectif) اير(سجىه)سى، ايرىجا كىشى او غلونون وارلىقسال- ياشامسال- توپلومسال دوغاسىنى سىمگە له ين بىر اولغو اولاراق دگرلندىرىلمە لىدىر. بىرى - بىرىنە قارشىت ايكى وارلىق دىگىل دە؛ ايكى ايرى - ايرى ق ائتمىن (فاكتور) اولاراق ايردە له نمە لىدىر.

گرچك بىر اولوسون اۋزوتو؛ تىنىسل (معنوى) دۇرومو (= ائكىنىمىسل وارلىغى)، اۋيكونچىسل- توپلومسال بىلىنچ التى (شعورالتى)سى، اۋزلىكلە نه دنلى قوشوغون قاچىنىلماز ائتكىسى التىندا قالسا دا؛ اونو بېچىملە ندىرن، يۇنلە ندىرن، داهادو غروسو اولوشدوران، كىدىنە اۋزگو (خاص)، بىرله شىك (واحد) بىر اولوس ياپان دۆزىيازى اراجىلىغىيلا اورتايا قونولور. باشقا بىر سۆزلە؛ دىلىن دۆزىيازىسال بېچىنىمى نىن گلىشمە سى سونوجوندا، كىشى او غلونا اۋزگو (خاص) اولان دۆشونمە (تفكر) اولغوسو، دىنگە لى بىر دۆزن ايله دىزگە اولوشدور اراق، اۇسدىئىسل ائوره نسل لىك قازانما اولاناغى بولور. ھرتورلو چارپاشىقلىغا، قارغاشا (كاس)يا، دۆزنىسلىگە، دىنگە سىزلىگە كسىن لىكلە قارشى قويان بىلن دۆزىيازى، بىر اولوسون اۇسدىئىسل دۆشونمە سىنە دۆزە ن ساغلايلاق، دىكارىت (René Descartes) دىمىشكىن دۆشونجە يە اۋزلىكلە «اچىق- سىچىك»لىك، ايدىنلىق، بلىرگىن لىك ايرىجا ياراتىجى بىر يۇن- بېچىم دە قازاندىرار. دۆزىيازى نىن گلىشمە دىگى بىر دىلدە؛ دۆشونسل- ائكىنىمىسل - توپلومسال گلىشمە دن قونوشماق اولدوقچا چىتىدىر.

قوشوق گلىنچە؛ اولدوقچا كىشىسىل- اىچىسل (داخىلى)، بىرە يىسل (فردى)، قارماشىق بىر ائورنگۇروشو ايله وارلىقسال ائلايىش اولاراق، تومويلە بىر توپلوما ائىلانماز، ائىلانسا ايسە؛ او توپلوم، گرچك بىر «توپلوم» اولماقدان سىيرىلاراق، «چىلغىنلار توپلولوغو»نا دۇنوشر. «بىز قامى (ھامى) شاعىر ائادان دوغموشوز» دىيە قىوانان بىر دۆشونجە اچىسى؛ نىسل گرچكلرى دىشلايان، اۇسدىئىسل بىر دۆشونجە دىزگە (سىستىم)سىندىن بوسوتون يوقسون (محرور) اولان، قاپالى، گرچك دىشى بىر ائكىنىم چئورە سى نىن اۋرونو(محصول) اولسا گركدىر. گرچكلرى دىشلايىب - گۇرمزلىكدن گللكم؛ گرچكلرە ارقا چئويىرىب، قوشوغا سىغىنماق، توپلومون بوتون سورون (پروبلئم)لارى نىن چوزومونو قوشوقدا اراماق، كىمى بۇدون (خالق)لارىن (اۋرنە گىن: قونشو فارس توپلولوغونون) ارتىق قوتسال بىر گلە نك دۇرومونا گللمىش اۋزىياپىسال (كاراكتىرىستىك) تمل ياپىسىنا دۇنوشموشدور.

گلىشمىش؛ فلسفە سل بىر دۆزە يە (سويە يە) اۋلاشمىش دۆزىيازى بېچىنىمى؛ دۆشونسل - توپلومسال گرچك لرى يانىستىن، ياشاناسى گركن گرچكلرە داياناراق، دۆزىيازى دوغاسى گرە گى اۋزە رە، ژان پول سارتر (Jean-Paul Sartre)ين دا وورغولادىغى گىبى، توپلومسال، ايرىجا اولدوقچا «نسىل بىر اولغو» (فاكتور)واقعة)دور. بىر اولوسون ان گرچك ياشام بېچىنىمى ايله توپلومسال گركىنىم لرى؛ گونجە ل (اكتوال) سورونلارى، دۆزىيازى بېچىنىمىدە اورتايا قونولور. بۇ گۇروش اچىسىندان قونويا ياناشىلىرسا؛ بىر اولوسون اۋزوتسل - تىنىسل وارلىغى نىن ان درىن قاتمانلارى بىلە گىنە دە دۆزىيازى اراجىلىغىيلا نىسل لىك، «قاموسال (كولتور) بوگوش (فلسفە)» ائاندىردىغىم، بىر اىچە رىك (مضمون) ايله بېچىمە دۇنوشر (اۋرنە گىن: باتى اوروپا «ايدىنلانما بوگوشو»ندە اولدوغو گىبى).

قوشوق؛ بىر اولوسون اۋزوتسل، وارلىقسال، توپلومسال، بۇدونسال اۋزلىكلرىنى دىگىل دە، يالنىزجا قوشوقچونون اىچىسل، تىنىسل، اۋزوتسل، ايرىجا قارماشىق قونومونون دىشاوورماسى اولاراق، بوسوتون بىرە يىسل، كىشىسىل بىر اۋغراشى- ائتكىن لىك (فعاليت) دىر. بۇندان دولاي؛ ارتىق قوشوق، يازىن (ادىبات) ائاندىن بىلە ايرىلماقدادىر كىمى چاغداش دۆشونور- الشدىرمنلرجه. ائدى (ھنچ) بىر اماجى

گۆدمه بن، یارارسیز، آنجاق کیشی او غلونون گۆز آردی ائدیله مز ایچسل ائوره نی نین آیریلماز بیر پارچاسی اولاراق، تینسل، باغیمسیز، اؤزگور بیر وارلیقدیر قوشوق.

آیریجا سارتر ایله رولن بارت (Roland Barthes) دا؛ قوشوغو یوقاریدا توقوندوغوم ندنلره گۆره، «یازین» (ادبیات) ائوره نیندن سورگون ائتمیشلر دیر. قوشوغو؛ دۆز یازی یئرینه قوندوران توپولوقلار (توپلوم اؤنجه سی اجماعلار/کومونته لر)؛ قوشوق ایله دۆشونلر، قوشوقسال داورانمایا چالیشانلار، توپلومسال گرچکلره قوشوقسال آچیدان یاناشانلار (داها دوغروسو سویوت (مجرد) ایمگه (تصویر) لر، کؤکسوز ایمگه لمسل دۆشله ملر (فانتزی لر))، چوجوقجاسی یانیلساما (توهم/ایلیز بیون) لار دۇمانینا گؤمولموش، اؤزوت بیلیمسل (پسیکولوژیک) آچیدان دوغرودان دا ساییریلیقلی (خسته لیکلی) ساییبیله جگیمیز، گرچک لیک ایله گرچک دیشیلیق (غیر-ی واقعی لیک) سینیرلارینی قاریشیدیران، سورکلی گئچمیش یاشانتیلار اؤزله م (حسرت) بیله یانیب - آلیشان توپولوقلاردیر.

تارتیشیلاسی؛ قونوشولاسی گرکن شو دۆشونجه آچیسیندان، چاغداش آذربایجان اویکونجونه یاناشیلیرسا؛ بؤگونکو دۇروموزون آزیجیق آچیقلیغا قایشیلاجاغینی سانیرام. اون یئدنجی یوزییلدان بری؛ تورکجه میزده بیر نئچه باياغی دینسل - اؤگوتسل دۆزیازیسال هؤروت (متن) دیشیندا (قوزئیده میرزه فتحعلی-یه دک) سؤزقونوسو ائدیله جک دگرلی؛ اؤنملی بیر دۆزیازی یازیلمادیغی، تورک دیلی آراشدیرماجیلاری شؤیله دۇرسون، تورک دیلی اویکونچونویله ایلگیله نن کیمسه لری بیله دوغرودان دا شاشیرماقدادیر.

سئوگیلی یورتداشلار!

آذربایجان تورکو؛ اؤزلیکله گونئی آذربایجان تورکو، آچیقجا سؤیله مک گرکیرسه آشاغی- یوقاری اؤچ یوزییل بویونجا، کندی- اؤز بئینی- دۆشونجه سی ایله دۆشونمه یی، کندی- اؤزو ایچین یاساقلامیشدیر. کندی وارلیغینی؛ اؤز دیلی ایله دۆزیازی بیچینیمینده دۆشونمه یین بیر اولوس؛ داها دوغروسو کندی- اؤز وارلیغینی دانمیش، کندی- اؤزونه آرقا چئویرمیش، اؤزگه لشمیش، باشقالاشمیش، یابانجیلاشمیش، کندی- اؤز وارلیغینا یاغی کسپله رک، «کؤله لشمیش» دیر. نیته کیم باشقا بیر دیلده؛ کندی- اؤزونو یانسیتان بیر اولوس، یازدیغی دیلین اؤزوتسل- تینسل ائوره نینه سوروکله نرک، کندی- اؤزونو اؤنوتار؛ باشقاسی نین دۆشونو گۆره ر. باشقاسی نین دۆشونو کندی دۆشولری ایمیشجه سینه یوروملامایا قالدقاراق، کندی- اؤزویله بوسبوتون یابانجیلاشار، ایکی کیشی لیکلی، اؤزوت بیلیمسل بیر ساییری (خسته) یا دؤنوشر. نیته کیم «دۆش گله جگین سایدام (شفاف) گرچگیدیر» دئردی ویکتور هوگو (Victor Hugo).

اؤچ یوزییلدان بری؛ آذربایجان تورکو بیر نئچه کیشی دیشیندا؛ داها دوغروسو کندی دیلینی، کندی یاشامیندان سورگون ائده رک، یاساقلامیش، آچامیش، آشاغیلامیش، یئرمیشدیر. سؤزقونوسو بۇ نئچه کیشی ده؛ تورکجه یازان قوشوقچولاریمیزدیر. بیلیندیگی اؤزه ره؛ آلتین چاغینی یاشامیش تورک دیوان قوشوغو؛ ختایی- فضولی- دن سونرا چؤکوش دؤنه مینه گیره رک، تورک دیلی نین یوزلاشماسی نین یولونو دا آچمیش اولور. بۇ قوشوقچولاری ایزله ینلر ده؛ قیلاوز سنجدیکلری فضولی- نی (فضولی اوقولو ایزداشلاری) کندی یوروملاریلا آغیلاماغا قالدیققلاری نین دا بۇرادا آلتینی قویوجاسینا چیزمک گرکیر. اونون اؤزوتونون گیزلی قاتمان (لایه/طبقه) لاریندا ساقلانمیش (گیزله نمیش) کیمی یاشامسال گرچکلره، دیلسل چابالارا یول بولمامیشلاردیر. بیر ده؛ فضولی- نین قوشوقلاری (دیوان قوشوغو باشدا اولماق اؤزه ره) یاشاناسی گرکن گرچکلر ده دئگیلدیر. اولدوقجا کیشیسل؛ بیر یسل بیر ائورنگوروشو ایله آری اؤزوتسال (صنعتسل)، سویوت (مجرد)، یاشام دیشی بیر آنلابیشدیر. فضولی- نین کیشیسل ائورنی؛ چؤکوش دؤنه مینه گیرمه دن اؤنجه؛ اونو یاشاماغا، بیینه له مه یه قالدققلار دا چؤکوشدور.

آیریجا دیوان قوشوقچوسو؛ بیچینیمسل- ایچه ریمسل اولاراق اؤزوتوموزه - تینیمیزه بوسبوتون یابانجی اولان، عرب - عجم بؤدونسال- دیلسل- اینانچسال- گله نکسل اؤگه لری (داها دوغروسو ائورنگوروشو

ایله دۆشونگوسونو) دېلیمیزه آشیلامیشدیر. ان بؤیوک دیوان قوشوقچوسو بیله؛ قارما(قاریشیق) بؤ دۆشونگو (ایدنولوژی) نو (دۆشونمه دن، سورغولامادان)، اولدوغو گیبی دېلیمیزه یۆکلە میشدیر (2). اونلارین چالیشدیقلاری یالنیزجا؛ کیمی (بعضی) یئنی ایچه ریملر یاراتما، کیمی یئنی سایابیله جگیمیز ایمگه لر (تصویرلر)، بیرە شیملر (ترکیبلر) اورتمکلە سینیرلی قالمیشدیر. اؤلوسوموزون آیدان آری، سۇدان دۇرو قاینار بیلینجیندن آقیب - گلن اوزان قوشوغو بیله؛ کندی وارلیغینی دیوان قوشوغونون اولومسوز (منفی) انتکی سیندن (داها دوغروسو باسقی سیندان) قۇتارامامیشدیر.

بۇ اولدوقجا اۇنملی قونویا گیرمه دن؛ باشقا بیر سورونون دا قیساسا اۆزه رینده دۇرولماسی گرکیر. آذربایجان اۆیکونجونده؛ اۆلکه میزین ایکی یئرە بۆلۆنمه سی، قۇشقوسوز اوناریلماز بیر یارا، قاتلانیلماز بیر آغریدیر. آنجاق آذربایجان-ین قوزئی-نین آناپور دوموزدان ایریلماسی؛ گرچکجی بیر یۇندن اله آلینیرسا، تۆرک دیلی، ائکینیمی، گلە جگی ایچین اینانیلماز بیر بیچینیمده یارارلی، اولدوقجا دا وئریملی اولموشدور. قوزئی ایریلماسایدی؛ میرزه فتحعلی گیبیلری تۆرکچە یازمازلاردی، آرتیق اۆیکونجسل بلگه لره (سندلره) دایانان بۇ گرچگی دیله گتیرمکدن ده چکینمه ملی بیک. میرزه فتحعلی-نین «کومئدیلری» ایله باشلانان؛ «اۇیانیش یازینی» دیبه آدلاندیردیغیمیز دۇنم؛ ایلک اۇنجه، بللی آماچلاری ایزله ین تزار رۇسیا سی نین پاراسال یاردیملاریلا باشلامیشدیر. دېلیمیزی ان آزیدان؛ بۆسبوتون یوق اولمادان قۇرتاریب، تۆرکچە یازما گلە نگی نین ده تمل داشی قویولدوغو بۇ دۇنه مین یورولماز چابالاری اولماسایدی؛ دېلیمیزی بۇگون هانسی، نجه آجیناچاقلی بیر دۇرومدا اولدوغونو بئنیمله مک (تصویر انتک) بیله اۆریه دیجی قورخونچ بیر قاراباسمایا دۇنوشه جکدیر.

سنوگیلی یۇرتداشلار!

گۇنئی آذربایجان-دا ایلک کئز اولراق؛ اؤلوسال اۇدۆسوموزله، دېلیمیز چۆکوش دۇنه می دیوان قوشوغونون (تۆرکون اۆزوتونه، یاشام بیچینیمینه تۆمویله یابانجی) دیلی ایله آنلاتیم (ایفاده)ی تۇتساغیندان، ایریجا بایاغی- گولونچ آغیت (مرثیه) دیلیندن قۇرتولوب، دۆشونجه نین دۆشونجه سی اولان، کندی- اۆزوموزو یانسیتیب، گرچک بیر بیچینیمده سرگیله ین دۆزیازی ائشیگینه (استانه سینه) گیردی. دېلیمیزی یاسال اولراق اۇدۆس (دئولت) دیلینه دۇنوشمه سی، یالنیزجا رضاخان-ین قویدوغو یاساقلاری دئگیل ده، ایلک اۇنجه کندی- اۆزوموزون قویدوغوموز یاساغی دا گنیش بیر چاپدا آرادان قالدیرمیش اولدو. باشقا بیر دئییشله؛ کندی- اۆز دېلیمیزه گۆوه نسیزلیک سونوجو اورتایا چیقمیش، آذربایجان تۆرکونون کندی- اۆز دیلینه قویدوغو آنلیقسال (ذهنی)- اۆزوتسل (روحی) یاساق باشدا اولماق اۆزه ره، توپلومسال- سیاسی- یاسال یاساق دا قالدیریلیمیش اولدو.

اؤلوسال اۇدۆسوموزون دیل آلانیندا یاپدیغی باشلیجا، ان اۇنملی، باش اۆرنک (پارادیگما)، اۆزلیکلە اۆیکونجسل - ائکینیمسل بیر دئوریم اولراق دگرلندیرمه سی گرکن بیر اولایدیر. اؤلوسال اۇدۆسوموزو آذربایجان اۆیکونجونده منگو (ابدی) یاشار قیلان دا بۇ اولغو اولسا گرکدیر. اولدوقجا قیسا بیر سۆره ده یئتیشن؛ بیلینچلی بیلگین لریمیز، یازار لاریمیز، قوشوقچولاریمیز، یئنیلمز تۆرک دیلی نین بایراغینی بیر اؤلوسون یاشار، اۆلمز کیملیگی نین، من لیگی نین ائکینیمسل بلگه سی اولراق، بۆتون یاساقلارا، تۇتساقلارا، سۆرگونلره قارشین الده تۇتموش، گۆگلره قالدیرمیش- دالغالاندیرمیش، گلە جک قۇشاغا (نسله) ایله تمیشلردی.

اۇنوتمایالیم! بیزیم بۇگون؛ بۇرادا توپلانیب دا، آذربایجان تۆرکویم: «وارام، اولموشام، اولاجام» دیبه بیلدیگیمیزی او گۆرکملی، مایتالمان (محتشم)، قیوانچ وئریجی، اۇنوتولماز قیسا سۆره لی دۇنمه بورچلوبوق.

او یولو آچانلارا!
او یولون یولجولارینا!

او يولدا بۆتون وارلىقلارنا قىيانلار!
آشق اولسون!

- 1- بۇ اولدوقچا اۇنملى قونونو داھا آيرىنتىلى، داھا قاپساملى بىر بىچىنمىدە "دىل اۇغروندا دۆشونمە يولوندا (مودىرن دىل آنلايشىنا توپلو بىر باخىش)" ادلى يازىمدا اله آلىب اينجه له ميشم. بۇ يازى "آچىق سۆز" ايله "گۆنآسكام" گۇرونومجوك لرىندە (سايتلارىندا) يايىملانمىشىدىر.
- 2- دىلین اولدوقچا اولغون، بوتونله شمىش بىر دۆشونجه نىن دۆشونجه سى اولدوغونو، اۇزلىكلە تومويلە بىر "دۆشونگو" يە (ايدنولوژى يە) دە دۇنوشدوگونو سوركلى گۇزاۋنوندە تۇتماق گرکىر. بۇ اولغودان يولا چىقاراق: «دىل فاشىست دىر!» دۇمىش اولسا گركدىر، اۇنلو فرانسىز دۆشونورو ژرژ باتاى (Georges Bataille).